

Broj: 01-11-12-666-8/24
Sarajevo, 25.06.2024. godine

Na temelju člana 70. Zakona o javnim nabavkama („Službeni glasnik BiH”, br. 39/14 i 59/22), Plana nabavki Federalne uprave za geodetske i imovinsko-pravne poslove, broj: 01-11-12-399/24 od 22.02.2024. godine, Odluke o pokretanju otvorenog postupka javne nabavke usluga - „Održavanje informacionog sistema adresnog registra i informacionog sistema registra cijena”, broj: 01-11-12-666/24 od 26.03.2024. godine, te preporuke Komisije za javnu nabavku, date u Zapisniku o ocjeni ponuda, broj: 01-11-12-666-7/24 od 25.06.2024. godine, direktor Federalne uprave za geodetske i imovinsko-pravne poslove d o n o s i

O D L U K U

**o izboru najpovoljnijeg ponuđača u otvorenom postupku javne nabavke usluga –
„Održavanje informacionog sistema adresnog registra i informacionog sistema
registra cijena“**

I

Prihvata se preporuka Komisije za provođenje otvorenog postupka javne nabavke usluga - „Održavanje informacionog sistema adresnog registra i informacionog sistema registra cijena“, data u Zapisniku o ocjeni ponuda, broj: 01-11-12-666-7/24 od 25.06.2024. godine, da se za najpovoljniju ponudu za predmetnu nabavku usluga prihvati ponuda ponuđača Geometrika d.o.o. Grude za LOT 1 i LOT 2.

II

Ponuđaču Geometrika d.o.o. Grude, u skladu sa Ponudom za LOT 1, broj: 28-05-1/24 od 22.05.2024. godine, i cijenom ponude u iznosu od 307.680,00 KM bez PDV-a, odnosno u ukupnom iznosu od 359.985,60 KM sa PDV-om, dostavit će se prijedlog okvirnog sporazuma za LOT 1 - „Održavanje informacionog sistema adresnog registra“.

Ponuđaču Geometrika d.o.o. Grude, u skladu sa Ponudom za LOT 2, broj: 28-05-2/24 od 22.05.2024. godine, i cijenom ponude u iznosu od 140.760,00 KM bez PDV-a, odnosno u ukupnom iznosu od 164.689,20 KM sa PDV-om, dostavit će se prijedlog okvirnog sporazuma za LOT 2 - „Održavanje informacionog sistema registra cijena“.

III

Izabrani ponuđač Geometrika d.o.o. Grude je uz ponudu dostavio sve kvalifikacijske dokaze iz izjava, odnosno iz uslova propisanih tenderskom dokumentacijom.

IV

Ova Odluka dostavit će se izabranom ponuđaču Geometrika d.o.o. Grude u roku od tri (3) dana, a najkasnije u roku od sedam (7) dana od dana donošenja, preporučenom poštom ili neposredno.

V

U skladu sa odredbama člana 99. i člana 101. Zakona o javnim nabavkama, protiv ove Odluke može se uložiti žalba u roku od deset (10) dana od dana zaprimanja.

Žalba se podnosi Uredu za razmatranje žalbi putem ugovornog organa u pisanoj formi direktno ili preporučenom poštanskom pošiljkom.

Žalba se predaje neposredno ugovornom organu ili putem preporučene poštanske pošiljke, u dovoljnom broju primjeraka, a koji ne može biti manji od tri (3).

VI

Ova Odluka stupa na snagu danom donošenja.

O b r a z l o ž e n j e

Na temelju Zakona o javnim nabavkama („Službeni glasnik BiH", br. 39/14 i 59/22) i Plana nabavki za 2024. godinu, broj: 01-11-12-399/24 od 22.02.2024. godine, Federalna uprava za geodetske i imovinsko-pravne poslove (u daljem tekstu: ugovorni organ) je Odlukom o nabavci, broj: 01-11-12-666/24 od 26.03.2024. godine, pokrenula otvoreni postupak javne nabavke usluga - „Održavanje informacionog sistema adresnog registra i informacionog sistema registra cijena“, u skladu sa tenderskom dokumentacijom i Obavještenjem o nabavci, broj: 399-1-2-8-3-5/24, objavljenim na web Portalu Agencije za javne nabavke BiH dana 12.04.2024. godine.

Postupak je provela Komisija za javnu nabavku (u daljem tekstu: Komisija) imenovana Rješenjem direktora Federalne uprave za geodetske i imovinsko-pravne poslove, broj: 01-11-12-666-1/24 od 26.03.2024. godine, koja je o istom sačinila Zapisnik o zaprimanju ponuda, broj: 01-11-12-666-4/24 od 28.05.2024. godine, Zapisnik o otvaranju ponuda, broj: 01-11-12-666-5/24 od 28.05.2024. godine i Zapisnik o ocjeni ponuda, broj: 01-11-12-666-7/24 od 25.06.2024. godine.

U skladu sa tenderskom dokumentacijom i Obavještenjem o nabavci sa web Portala Agencije za javne nabavke BiH, dana 28.05.2024. u 10:30h, na adresi ovog ugovornog organa, bez prisustva predstavnika ponuđača, izvršeno je javno otvaranje blagovremeno dostavljenih ponuda, i to ponude:

1. Geometrika d.o.o. Grude (LOT 1 i LOT 2)

Po predmetnom nadmetanju, Komisija je ustanovila da je do roka utvrđenog tenderskom dokumentacijom i obavještenjem o nabavci dostavljena ukupno jedna (1) ponuda za predmetnu nabavku usluga, i to ponuda ponuđača Geometrika d.o.o. Grude za LOT 1 i LOT 2.

Pregledom i analizom navedene ponude, Komisija je konstatovala da je zaprimljena ponuda dostavljena na način predviđen tenderskom dokumentacijom, da je cijena ponude za

LOT 1 i LOT 2 u iznosu koji je nešto niži od vrijednosti koja je procijenjena za ovu vrstu javne nabavke usluga, zatim da je ponuđač Geometrika d.o.o. Grude kvalifikovan za pružanje predmetnih usluga, te da je uz ponudu dostavljena sva obligatorna kvalifikaciona dokumentacija propisana tenderskom dokumentacijom, kao i svi kvalifikacioni dokazi.

Komisija je također utvrdila da ponuda ne sadrži formalno-pravne, odnosno tehničke nedostatke u odnosu na tendersku dokumentaciju, a koji bi eventualno bili razlog za odbacivanje iste.

Tačkom 3.7. tenderske dokumentacije ovaj ugovorni organ je za predmetnu nabavku usluga predvidio postupak E-aukcije, međutim imajući u vidu da je zaprimljena samo jedna prihvatljiva ponuda za LOT 1 i LOT 2, to u skladu sa odredbom člana 3. stav (3) Pravilnika o uslovima i načinu korištenja E-aukcije („Službeni glasnik BiH“, broj 66/16) nije bilo osnova za zakazivanje postupka E-aukcije.

Uzimajući u obzir naprijed navedeno, kao i kriterij prihvatljive ponude sa najnižom cijenom kao uslova za dodjelu okvirnog sporazuma, kako je to propisano tačkom 3.6. tenderske dokumentacije, Komisija je ocijenila da je ponuda ponuđača Geometrika d.o.o. Grude za LOT 1 i LOT 2 formalno-pravno i tehnički prihvatljiva, te da ispunjava sve uslove tražene tenderskom dokumentacijom i projektnim zadatkom, pa je stoga direktoru Federalne uprave za geodetske i imovinsko-pravne poslove jednoglasno predložila donošenje odluke o izboru ove ponude kao najpovoljnije za javnu nabavku usluga - „Održavanje informacionog sistema adresnog registra i informacionog sistema registra cijena“.

U postupku donošenja ove Odluke, prihvata se preporuka i obrazloženje Komisije, dato u Zapisniku o ocjeni ponuda broj: 01-11-12-666-7/24 od 25.06.2024. godine, da se za najuspješniju ponudu za LOT 1 i LOT 2 u otvorenom postupku javne nabavke usluga - „Održavanje informacionog sistema adresnog registra i informacionog sistema registra cijena“ prihvati ponuda ponuđača Geometrika d.o.o. Grude za LOT 1 i LOT 2, a koja je ocijenjena kao prihvatljiva, tehnički kvalifikovana i najpovoljnija, sa cijenom ponude za LOT 1 u iznosu od 307.680,00 KM bez PDV-a, odnosno u ukupnom iznosu od 359.985,60 KM sa PDV-om, te cijenom ponude za LOT 2 u iznosu od 140.760,00 KM bez PDV-a, odnosno u ukupnom iznosu od 164.689,20 KM sa PDV-om.

U postupku analize provedenog postupka, ugovorni organ nije našao razloge nepravilnosti, niti propuste u radu, koji bi eventualno bili osnov za neprihvatanje preporuke Komisije.

Na prijedlog Komisije, ovaj ugovorni organ je donio Odluku kao u dispozitivu.

ODIREKTOR

Zeljko Obradović, dipl.ing.geod.



Prilog: Zapisnik o ocjeni ponuda

DOSTAVITI:

1. Geometrika d.o.o. Grude;
2. Sektor za geoinformatiku - o v d j e;
3. U spis.

